

Resp. *leo* modò τεχνικῶς sumitur, modò *significative*. Major est vera, inquit *Stablius Sophism. p. 21.* Si vox *leo* in primâ significatione & formaliter accipitur, i. e. pro re & animali, quod est & dicitur *Leo*. At si jam in minore prædicatum etiam isto modo sumitur, nemo illam concedit, adeoq; sunt 4. termini, orti ex Æquivocatione, quæ est in voce *Leo*, quæ sumitur in majore formaliter & in minore materialiter.

13. Quicumq; alium indurat, est causa illius interitus:

Deus indurat Pharaonem:

E. est causa illius interitus.

Resp. fallacia est figura *Dictionis*. Quia in sanctâ lingvâ, præsertim in *Hiphil*, verba activa non semper significant actionem à causâ in aliud subjectum promanantem vel transeuntem; sed interdum permissionem, quando Deus vel Diabolo ejusmodi actionem permittit, vel hominem in suâ duritie, πωρώσει, sive בסנורים *Gen. 19. 11.* permanere patitur, & sic Deus magis est causa deficiens, quàm efficiens, privativa magis

H

quàm

Resp.